

Na osnovu člana 16. Zakona o upravi („Službeni glasnik BiH”, br. 32/02 i 102/09), člana 48. alineja 1) Okvirnog zakona o visokom obrazovanju u Bosni i Hercegovini („Službeni glasnik BiH”, br. 59/07 i 59/09), člana 6. i člana 12. Statuta Agencije za razvoj visokog obrazovanja i osiguranje kvaliteta Bosne i Hercegovine („Službeni glasnik BiH”, br. 86/09 i 34/25), direktor Agencije za razvoj visokog obrazovanja i osiguranje kvaliteta Bosne i Hercegovine uz saglasnost Upravnog odbora sa 3. sjednice, održane 05. 05. 2026. godine, donosi

ODLUKU O IZMJENAMA ODLUKE O NORMAMA KOJIMA SE ODREĐUJU MINIMALNI STANDARDI U PODRUČJU VISOKOG OBRAZOVANJA U BOSNI I HERCEGOVINI

U Odluci o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH”, br. 100/11 i 26/19) u poglavlju „*Izvještaj Komisije*” tačka a) mijenja se i glasi:

“a) akreditacija visokoškolske ustanove, odnosno studijskog/ih programa, samo u slučaju kada su svi kriteriji ocijenjeni kao potpuno ili znatno ispunjeni, na period od:

- 1) pet (5) godina u slučaju da visokoškolska ustanova, odnosno studijski program prvi put prolazi postupak akreditacije;**
- 2) šest (6) godina u slučaju da visokoškolska ustanova, odnosno studijski program, sljedeći put prolazi postupak akreditacije, i to ukoliko je prilikom prethodnog postupka akreditacije visokoškolska ustanova bila akreditirana i svi kriteriji bili ocijenjeni kao potpuno ili znatno ispunjeni;**
- 3) sedam (7) godina, samo u slučaju ispunjenosti prethodna dva uslova.”**

U istom poglavlju tačka c) mijenja se i glasi:

“c) odbijanje akreditacije visokoškolske ustanove, odnosno studijskog programa, u slučaju:

- 1) kada je najmanje jedan kriterij ocijenjen kao neispunjen ili kada je više od polovine kriterija ocijenjeno kao djelimično ispunjeno;**
- 2) kada se za visokoškolsku ustanovu, odnosno studijski program, a koji su dobili Pismo očekivanja, utvrdi da nije došlo do unapređenja na osnovu preporuka Komisije stručnjaka, odnosno kada je i dalje minimalno jedan kriterij ocijenjen kao djelomično ispunjen.”**

Ova Odluka stupa na snagu osmog dana od dana objavljivanja u „Službenom glasniku Bosne i Hercegovine”.

Broj: 05-02-2-117-4/19
Dana: 13.05.2026. godine

D I R E K T O R

Prof. dr Enes Hašić, s.r.